

ხობის მუნიციპალიტეტის მეოთხე მოწვევის საკრებულოს ბიუროს სხდომისა

ქ. ხობი

2021 წლის 29 ივნისი

ბიუროს წევრთა კანონით დადგენილი რაოდენობა - 12

ბიუროს უფლებამოსილ წევრთა რაოდენობა - 12

ბიუროს სხდომას ესწრებოდნენ ბიუროს წევრები:

1. ედიშერი ჯობავა
2. მამუკა ქარდავა
3. დოდო გაბუნია
4. დავით ბერაია
5. თეა გელანტია
6. ვლადიმერ ქანთარია
7. ტარიელ ალექსანდრია
8. ბექა მამაცაშვილი
9. მერაბ ფილიპია
10. კახა ლატარია
11. თენგიზ აბაკელია
12. თემურ გულუა

ბიუროს სხდომას თავმჯდომარეობდა ედიშერი ჯობავა – საკრებულოს თავმჯდომარე

**დღის წესრიგი:**

1. ხობის მუნიციპალიტეტის მერის გ. ქაჯაის 2021 წლის 25 ივნისის N50-502117636 წერილის განხილვა („ხობის მუნიციპალიტეტის 2021 წლის ადგილობრივი ბიუჯეტის დამტკიცების შესახებ“ ხობის მუნიციპალიტეტის საკრებულოს 2020 წლის 29 დეკემბრის №17 დადგენილებაში ცვლილების შეტანის თაობაზე“ დადგენილების პროექტის შესახებ“)

(მომხსენებელი: ტ. ალექსანდრია - ხობის მუნიციპალიტეტის საკრებულოს საფინანსო - საბიუჯეტო კომისიის თავმჯდომარე)

2. ხობის მუნიციპალიტეტის მერის გ. ქაჯაის 2021 წლის 28 ივნისის N50-502117977 წერილის განხილვა („ხობის მუნიციპალიტეტის სოციალურად დაუცველი და ეკონომიკურად შეჭირვებული მოსახლეობის სოციალურ-ეკონომიკური მდგომარეობის გაუმჯობესებისა და ხელშეწყობის 2021 წლის მუნიციპალური პროგრამის თანხის გაცემის წესის დამტკიცების შესახებ“ ხობის მუნიციპალიტეტის საკრებულოს 2020 წლის 29 დეკემბრის N35 განკარგულებაში ცვლილების შეტანის შესახებ“ განკარგულების პროექტის თაობაზე“)

(მომხსენებელი: დ. გაბუნია - ხობის მუნიციპალიტეტის საკრებულოს განათლების,  
კულტურისა და სოციალურ საკითხთა კომისიის თავმჯდომარე)

3. ხობის მუნიციპალიტეტის მერის გ. ქაჯაიას 2021 წლის 28 ივნისის N50-502117980 წერილის  
განხილვა („ხობის მუნიციპალიტეტის მერიაში არამუდმივი ამოცანების შესასრულებლად  
შრომითი ხელშეკრულებით დასაქმებულ პირთა რიცხოვნობის განსაზღვრასა და შრომითი  
ხელშეკრულებით დასაქმებულ პირთა რიცხოვნობის შეზღუდვიდან გამონაკლისის  
დაშვებაზე ხობის მუნიციპალიტეტის მერისთვის თანხმობის მიცემის შესახებ“  
განკარგულების პროექტის თაობაზე)

(მომხსენებელი: დ. ბერაია - ხობის მუნიციპალიტეტის საკრებულოს იურიდიულ  
საკითხთა კომისიის თავმჯდომარე)

4. ხობის მუნიციპალიტეტის მერის გ. ქაჯაიას 2021 წლის 29 ივნისის N50-502118023  
წერილის განხილვა („ხობის მუნიციპალიტეტში ავტოსატრანსპორტო საშუალებების  
მოძრაობის რეგულირებისა და საგზაო ნიშნების განთავსების შესახებ“ განკარგულების  
პროექტის თაობაზე)

(მომხსენებელი: ვ. ქანთარია - ხობის მუნიციპალიტეტის საკრებულოს ქონების  
მართვისა და ინფრასტრუქტურის კომისიის თავმჯდომარე)

კენჭი ეყარა დღის წესრიგის წარმოდგენილ ვარიანტს

კენჭისყრის შედეგები:

მომხრე - 12, წინააღმდეგი - არც ერთი

დაადგინეს: დღის წესრიგი დამტკიცდეს წარმოდგენილი სახით

### დღის წესრიგით გათვალისწინებული საკითხების განხილვა

1. ხობის მუნიციპალიტეტის მერის გ. ქაჯაიას 2021 წლის 25 ივნისის N50-502117636 წერილის  
განხილვა („ხობის მუნიციპალიტეტის 2021 წლის ადგილობრივი ბიუჯეტის დამტკიცების  
შესახებ“ ხობის მუნიციპალიტეტის საკრებულოს 2020 წლის 29 დეკემბრის №17  
დადგენილებაში ცვლილების შეტანის თაობაზე“ დადგენილების პროექტის შესახებ)

(მომხსენებელი: ტ. ალექსანდრია - ხობის მუნიციპალიტეტის საკრებულოს  
საფინანსო - საბიუჯეტო კომისიის თავმჯდომარე)

მოისმინეს: ტ. ალექსანდრია - მომხსენებელმა ბიუროს წევრებს გააცნო დადგენილების  
პროექტი („ხობის მუნიციპალიტეტის 2021 წლის ადგილობრივი ბიუჯეტის დამტკიცების  
შესახებ“ ხობის მუნიციპალიტეტის საკრებულოს 2020 წლის 29 დეკემბრის №17  
დადგენილებაში ცვლილების შეტანის თაობაზე“ და კომისიის დასკვნა წარმოდგენილ  
საკითხთან დაკავშირებით (ოქმს თან ერთვის) და აღნიშნა, რომ დადგენილების პროექტით

„ხობის მუნიციპალიტეტის 2021 წლის ადგილობრივი ბიუჯეტის დამტკიცების შესახებ“ ხობის მუნიციპალიტეტის საკრებულოს 2020 წლის 29 დეკემბრის N17 დადგენილებაში ცვლილებების შეტანის თაობაზე, ხობის მუნიციპალიტეტის 2021 წლის ადგილობრივი ბიუჯეტის ხარჯები მცირდება 243,4 ათასი ლარით, კერძოდ, პრიორიტეტის „ინფრასტრუქტურის მშენებლობა, რეაბილიტაცია და ექსპლუატაციის“ მუხლის „არაფინანსური აქტივების ზრდა“ ასიგნებები მცირდება 143,4 ათასი ლარით, 100,0 ათასი ლარით მცირდება პრიორიტეტის „განათლება“ მუხლის „სუბსიდიები“ ასიგნებები. გამონთავისუფლებული 243,4 ათასი ლარი მიიმართება შემდეგ ღონისძიებათა დასაფინანსებლად: 180,0 ათასი ლარი მიიმართება პრიორიტეტის „ინფრასტრუქტურის მშენებლობა, რეაბილიტაცია და ექსპლუატაციის“ მუხლის „არაფინანსური აქტივების ზრდა“ ასიგნებებზე, პრიორიტეტის „მოსახლეობის ჯანმრთელობისა დაცვა და სოციალური უზრუნველყოფა“ ასიგნებებზე - 63,4 ათასი ლარი. იზრდება შემოსავლები ბიუჯეტში 1000000 ლარით „გრანტებიდან“ (გრანტები ცენტრალური სსიპ(ებ)-დან/ა(ა)იპ(ბ)-დან) და მიემართება პრიორიტეტის „ინფრასტრუქტურის მშენებლობის, რეაბილიტაციისა და ექსპლოატაციის“ მუხლის „არაფინანსური აქტივების ზრდის“ ასიგნებაზე. ასევე იზრდება შემოსავლები 2100,6 ათასი ლარით „გრანტებიდან“ (საქართველოს რეგიონებში განსახორციელებელი პროექტების ფონდიდან) და მიემართება პრიორიტეტის „ინფრასტრუქტურის მშენებლობის, რეაბილიტაციისა და ექსპლოატაციის“ პროგრამის „არაფინანსური აქტივების ზრდის“ ასიგნებაზე. „ხობის მუნიციპალიტეტის ადგილობრივი ბიუჯეტით გამოყოფილი ასიგნების გადანაწილების წესის დამტკიცების შესახებ“ ხობის მუნიციპალიტეტის საკრებულოს 2017 წლის 26 დეკემბრის N68 დადგენილების შესაბამისად, ხობის მუნიციპალიტეტის 2021 წლის დამტკიცებულ ბიუჯეტში ხობის მუნიციპალიტეტის მერის ბრძანებებით მხარჯავი დაწესებულებებისათვის ადგილობრივი ბიუჯეტით გამოყოფილ ასიგნებებში ეკონომიკური კლასიფიკაციის მუხლებს შორის განხორციელებულია სხვადასხვა გადანაწილებები. ბიუჯეტის შემოსულობების გეგმა გაიზარდა 3100,6 ათასი ლარით და შეადგინა 17447,2 ათასი ლარი. გამომსვლელის განცხადებით, პროექტი მომზადებულია კანონის მოთხოვნათა გათვალისწინებით, სერიოზული ხასიათის შენიშვნები არ გააჩნია და კომისიას მიზანშეწონილად მიაჩნია პროექტის წარმოდგენილის სახით გატანა საკრებულოს სხდომაზე შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ საკითხთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი პროექტის საკრებულოს სხდომის დღის წესრიგში  
შეტანის თაობაზე

კენჭისყრის შედეგები:

მომხრე - 12, წინააღმდეგი – არც ერთი

დაადგინეს: წარმოდგენილი დადგენილების პროექტი შეტანილ იქნეს საკრებულოს სხდომის  
დღის წესრიგში

2. ხობის მუნიციპალიტეტის მერის გ. ქაჯაიას 2021 წლის 28 ივნისის N50-502117977 წერილის  
განხილვა („ხობის მუნიციპალიტეტის სოციალურად დაუცველი და ეკონომიკურად  
შეჭირვებული მოსახლეობის სოციალურ-ეკონომიკური მდგომარეობის გაუმჯობესებისა და  
ხელშეწყობის 2021 წლის მუნიციპალური პროგრამის თანხის გაცემის წესის დამტკიცების  
შესახებ“ ხობის მუნიციპალიტეტის საკრებულოს 2020 წლის 29 დეკემბრის N35  
განკარგულებაში ცვლილების შეტანის შესახებ“ განკარგულების პროექტის თაობაზე)

(მომხსენებელი: დ. გაბუნია - ხობის მუნიციპალიტეტის საკრებულოს განათლების,  
კულტურისა და სოციალურ საკითხთა კომისიის თავმჯდომარე)

მოისმინეს: დ. გაბუნია - მომხსენებელმა ბიუროს წევრებს გააცნო განკარგულების პროექტი  
„ხობის მუნიციპალიტეტის სოციალურად დაუცველი და ეკონომიკურად შეჭირვებული  
მოსახლეობის სოციალურ-ეკონომიკური მდგომარეობის გაუმჯობესებისა და  
ხელშეწყობის 2021 წლის მუნიციპალური პროგრამის თანხის გაცემის წესის დამტკიცების  
შესახებ“ ხობის მუნიციპალიტეტის საკრებულოს 2020 წლის 29 დეკემბრის N35  
განკარგულებაში ცვლილების შეტანის შესახებ“ და კომისიის დასკვნა წარმოდგენილ  
საკითხთან დაკავშირებით (ოქმს თან ერთვის) და აღნიშნა, რომ ხობის მუნიციპალიტეტის  
მერიის განმარტებით, სოციალურ-ეკონომიკური მდგომარეობის გაუმჯობესებისა და  
ხელშეწყობის 2021 წლის მუნიციპალური პროგრამით სოციალურად დაუცველი ოჯახების  
(რომლებიც რეგისტრირებული არიან მონაცემთა ერთიან ბაზაში, რომელთა სარეიტინგო  
ქულა არ აღემატება 100 ათას ქულას და რომელთა სახლები საჭიროებს სრულ ან  
ნაწილობრივ გადახურვას) სახურავის და გადასახურად საჭირო სხვა მასალის ასევე  
ავარიულ მდგომარეობაში მყოფი სახლის გასამაგრებლად, ცემენტის და ბლოკის შეძენის  
მუხლში გამოყოფილი თანხა მომართვიანობიდან გამომდინარე არასაკმარისი აღმოჩნდა  
და დამატებულ იქნა 68000 ლარი. ეკონომიკის ხარჯზე 3000 ლარი გადატანილ იქნა  
საზოგადოებრივი ჯანდაცვის ცენტრის ბიუჯეტში. ზემო აღნიშნულის გათვალისწინებით  
პროგრამაში განხორციელდა შემდეგი ცვლილება, პროგრამის ბიუჯეტი შემცირდა 3000  
ლარით და გადიდდა 68000 ლარით. შესაბამისად პროგრამის ბიუჯეტმა შეადგინა 587330  
ლარი. გამომსვლელის განცხადებით, წარმოდგენილი განკარგულების პროექტი

მომზადებულია კანონის მოთხოვნათა შესაბამისად და მიზანშეწონილად მიაჩნია საკრებულოს სხდომაზე მისი გატანა შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ პროექტთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი პროექტის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 12, წინააღმდეგი – არც ერთი

დაადგინეს: წარმოდგენილი განკარგულების პროექტი შეტანილ იქნეს საკრებულოს სხდომის დღის წესრიგში

3. ხობის მუნიციპალიტეტის მერის გ. ქაჯაიას 2021 წლის 28 ივნისის N50-502117980 წერილის განხილვა („ხობის მუნიციპალიტეტის მერიაში არამუდმივი ამოცანების შესასრულებლად შრომითი ხელშეკრულებით დასაქმებულ პირთა რიცხოვნობის განსაზღვრასა და შრომითი ხელშეკრულებით დასაქმებულ პირთა რიცხოვნობის შეზღუდვიდან გამონაკლისის დაშვებაზე ხობის მუნიციპალიტეტის მერისთვის თანხმობის მიცემის შესახებ“ განკარგულების პროექტის თაობაზე)

(მომხსენებელი: დ. ბერაია - ხობის მუნიციპალიტეტის საკრებულოს იურიდიულ საკითხთა კომისიის თავმჯდომარე)

მოისმინეს: დ. ბერაია - მომხსენებელმა ბიუროს წევრებს გააცნო განკარგულების პროექტი „ხობის მუნიციპალიტეტის მერიაში არამუდმივი ამოცანების შესასრულებლად შრომითი ხელშეკრულებით დასაქმებულ პირთა რიცხოვნობის განსაზღვრასა და შრომითი ხელშეკრულებით დასაქმებულ პირთა რიცხოვნობის შეზღუდვიდან გამონაკლისის დაშვებაზე ხობის მუნიციპალიტეტის მერისთვის თანხმობის მიცემის შესახებ“ და კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ ხობის მუნიციპალიტეტის მერიის განმარტებით, საქართველოს კანონის „ბავშვის უფლებათა კოდექსი“ 96-ე მუხლის მე-6 პუნქტის შესაბამისად, მუნიციპალიტეტის შესაბამის სამსახურში დასაქმებული უნდა იყოს ბავშვის ფსიქოლოგი, რისთვისაც ხობის მუნიციპალიტეტის ადგილობრივ ბიუჯეტში გათვალისწინებულია თანხა შრომითი ხელშეკრულებით ფსიქოლოგის დასასაქმებლად. „საქართველოს 2021 წლის სახელმწიფო ბიუჯეტის შესახებ“ საქართველოს კანონის 25-ე მუხლის მე-3 პუნქტის თანახმად: „არამუდმივი ამოცანების შესასრულებლად შრომითი ხელშეკრულებით

დასაქმებულ პირთა რაოდენობა საჭიროებს ამ მუხლის მე-2 პუნქტით განსაზღვრულ შესაბამის ორგანოსთან შეთანხმებას, თუ საჯარო დაწესებულებაში 30 დღეზე მეტი ვადით გაფორმებული შრომითი ხელშეკრულებით დასაქმებულ პირთა რაოდენობა აღემატება შტატით გათვალისწინებულ თანამდებობებზე ფაქტობრივად დასაქმებულ თანამშრომელთა რაოდენობის 1%-ს. იმ საჯარო დაწესებულებაში, სადაც საშტატო რიცხოვნობის 1% 5 ერთეულზე ნაკლებია, შეთანხმებას საჭიროებს შრომითი ხელშეკრულებით დასაქმებულ პირთა რაოდენობა, რომელიც 5 ერთეულზე მეტია“, ხოლო ამავე კანონის ამავე მუხლის მე-2 პუნქტი ადგენს მუნიციპალიტეტის (გარდა ქალაქ თბილისის მუნიციპალიტეტისა) შემთხვევაში საკითხის მუნიციპალიტეტის საკრებულოსთან შეთანხმებას. მიმდინარე ეტაპზე, ხობის მუნიციპალიტეტის მერიის შრომის, საზოგადოებრივი ჯანმრთელობისა და სოციალური დაცვის სამსახურის ბავშვის უფლებების დაცვისა და მხარდაჭერის განყოფილების მუშაობის პროცესში გამოვლინდა ოჯახები, რომლებიც საჭიროებენ ფსიქოლოგის კონსულტაციასა და დახმარებას, დღის წესრიგში დამდგარი არამუდმივი ამოცანის გადაჭრის მიზნით აუცილებელია დაიდოს ხელშეკრულება ფსიქოლოგთან. ვინაიდან, ზემოთ აღნიშნული კანონით, საკრებულოსთან შეთანხმებას საჭიროებს შრომითი ხელშეკრულებით დასაქმებულ პირთა რაოდენობა, რომელიც 5 ერთეულზე მეტია მერიის საშტატო რიცხოვნობის (139 თანამდებობა) 1%-ისა, ხობის მუნიციპალიტეტის მერიის ადმინისტრაციული სამსახურის მიერ მომზადდა ხობის მუნიციპალიტეტის საკრებულოს განკარგულების პროექტი „ხობის მუნიციპალიტეტის მერიაში არამუდმივი ამოცანების შესასრულებლად შრომითი ხელშეკრულებით დასაქმებულ პირთა რიცხოვნობის განსაზღვრასა და შრომითი ხელშეკრულებით დასაქმებულ პირთა რიცხოვნობის შეზღუდვიდან გამონაკლისის დაშვებაზე ხობის მუნიციპალიტეტის მერისთვის თანხმობის მიცემის შესახებ“. კომისიას მიზანშეუწონლად მიაჩნია ზემო აღნიშნული განკარგულების წარმოდგენილი სახით მიღება, ვინაიდან განკარგულების პროექტის პირველ მუხლში არსებული ჩანაწერი, თითქოს შრომითი ხელშეკრულებით გათვალისწინებულია 7 პოზიცია, არ არის სწორი. მერიას, დამხმარე ამოცანების შესრულების მიზნით, შრომითი ხელშეკრულებით დასაქმებული ჰყავს 6 პირი, „საჯარო დაწესებულებაში შრომის ანაზღაურების შესახებ“ საქართველოს კანონის შესაბამისად. მერიის მიერ მიზანშეწონილად არის მიჩნეული, არამუდმივი ამოცანების შესასრულებლად, შრომითი ხელშეკრულებით დასაქმებულ პირთა რიცხოვნობის 1 ერთეულით განსაზღვრა, საქართველოს კანონის „ბავშვის უფლებათა კოდექსი“ 96-ე მუხლის მე-6 პუნქტის შესაბამისად, მუნიციპალიტეტის შესაბამის სამსახურში დასაქმებული უნდა იყოს ბავშვის ფსიქოლოგი, რაზედაც მერი ითხოვს თანხმობას. „საქართველოს 2021 წლის სახელმწიფო ბიუჯეტის შესახებ“ საქართველოს კანონის

შესაბამისად, შრომითი ხელშეკრულებით დასაქმებულ პირთა რიცხოვნობის შეზღუდვიდან გამონაკლისი დაიშვება საკრებულოსთან შეთანხმებით. გამომსვლელის განცხადებით, ზემო აღნიშნულიდან გამომდინარე, კომისიის მიერ შემუშავდა განკარგულების პროექტის ალტერნატიული ვარიანტი „ხობის მუნიციპალიტეტის მერიაში არამუდმივი ამოცანების შესასრულებლად შრომითი ხელშეკრულებით დასაქმებულ პირთა რიცხოვნობის განსაზღვრაზე ხობის მუნიციპალიტეტის მერისთვის თანხმობის მიცემის შესახებ“, რომლითაც მერს ეძლევა თანხმობა საჯარო დაწესებულებისთვის დაწესებული შრომითი ხელშეკრულებით დასაქმებულ პირთა რაოდენობის შეზღუდვიდან გამონაკლისის დაშვებაზე და ხობის მუნიციპალიტეტის მერიაში არამუდმივი ამოცანების შესასრულებლად შრომითი ხელშეკრულებით დასაქმებულ პირთა რიცხოვნობის 1 ერთეულით განსაზღვრის თაობაზე. კომისიის მიერ წარმოდგენილი განკარგულების პროექტი აკმაყოფილებს საქართველოში მოქმედ კანონმდებლობას და მიზანშეწონილად მიგვაჩნია მისი წარმოდგენილი სახით გატანა საკრებულოს სხდომაზე შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ პროექტთან დაკავშირებით გამოეთქვათ მოსაზრებები.

ბიუროს ყველა წევრი ერთხმად დაეთანხმა კომისიის მიერ წარმოდგენილ დასკვნას და აღნიშნეს, რომ ორივე პროექტი წარედგინოს საკრებულოს სხდომას შესაბამისი გადაწყვეტილების მისაღებად

კენჭი ეყარა წინადადებას წარმოდგენილი პროექტის და კომისიის მიერ წარმოდგენილ ალტერნატიული პროექტის საკრებულოს სხდომის დღის წესრიგში შეტანის თაობაზე კენჭისყრის შედეგები:

მომხრე - 12, წინაღმდეგი – არც ერთი

დაადგინეს: წარმოდგენილი განკარგულების პროექტი შეტანილ იქნეს საკრებულოს სხდომის დღის წესრიგში

4. ხობის მუნიციპალიტეტის მერის გ. ქაჯაიას 2021 წლის 29 ივნისის N50-502118023 წერილის განხილვა („ხობის მუნიციპალიტეტში ავტოსატრანსპორტო საშუალებების მოძრაობის რეგულირებისა და საგზაო ნიშნების განთავსების შესახებ“ განკარგულების პროექტის თაობაზე)

(მომხსენებელი: ვ. ქანთარია - ხობის მუნიციპალიტეტის საკრებულოს ქონების მართვისა და ინფრასტრუქტურის კომისიის თავმჯდომარე)

**მოისმინეს:** ვ. ქანთარია - მომხსენებელმა ბიუროს წევრებს გააცნო განკარგულების პროექტი, „ხობის მუნიციპალიტეტში ავტოსატრანსპორტო საშუალებების მოძრაობის რეგულირებისა და საგზაო ნიშნების განთავსების შესახებ“ და კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ ხობის მუნიციპალიტეტის მერიის განმარტებით, საქართველოს შინაგან საქმეთა სამინისტროს საპატრულო პოლიციის დეპარტამენტის სამეგრელო - ზემო სვანეთის მთავარი სამმართველოდან მიღებული წერილით მუნიციპალიტეტის მერიას განემარტა ქ. ხობში აუცილებლად განსათავსებელი საგზაო ნიშნების შესახებ, რის საფუძველზეც მერიის მიერ წარმოდგენილი განკარგულების პროექტის თანახმად ქალაქ ხობში განთავსდება შემდეგი საგზაო ნიშნები:

- ა) რუსთაველისა და წერეთლის ქუჩების კვეთაზე - საგზაო ნიშანი 1.7.2.-1.7.3. „მეორე ხარისხოვან გზასთან გადაკვეთა“ 2 ცალი (რუსთაველის ქუჩაზე) და საგზაო ნიშანი 2.3 „დაუთმე გზა“ წერეთლის ქუჩის მხარეს;
- ბ) რუსთაველისა და ფოთის ქუჩების კვეთაზე - საგზაო ნიშანი 4.3. „წრიული მოძრაობა“ (სამივე კვეთასთან) და საგზაო ნიშანი 2.3. „დაუთმე გზა“ (ფოთის ქუჩის მხარეს);
- გ) დავით აღმაშენებლის ქუჩისა და დავით აღმაშენებლის პირველი შესახვევის კვეთაზე-საგზაო ნიშანი 2.3. „დაუთმე გზა“ დავით აღმაშენებელის პირველი შესახვევის მხარეს;
- დ) დავით აღმაშენებლის ქუჩისა და დავით აღმაშენებლის მე-2 შესახვევის კვეთაზე-საგზაო ნიშანი 2.3. „დაუთმე გზა“ დავით აღმაშენებელის მე-2 შესახვევის მხარეს;
- ე) ზ. გამსახურდიასა და 9 აპრილის ქუჩების კვეთაზე, ზ. გამსახურდიას ქუჩაზე მოეწყოს ქვეითად მოსიარულეთა ზებრა გადასასვლელი, აღიჭურვოს სათანადო საგზაო ნიშნით;
- ვ) 9 აპრილისა და ცოტნე დადიანის ქუჩების კვეთაზე, 9 აპრილის ქუჩაზე მოეწყოს ქვეითად მოსიარულეთა ზებრა გადასასვლელი, აღიჭურვოს სათანადო საგზაო ნიშნით;
- ზ) მ. კოსტავას ქუჩაზე ლიბერთი ბანკის მიმდებარედ მოეწყოს ქვეითად მოსიარულეთა ზებრა გადასასვლელი, აღიჭურვოს სათანადო საგზაო ნიშნით;
- თ) ბერიას ქუჩის დასაწყისში ქვეითად მოსიარულეთა გადასასვლელის მოწყობა. ქუჩის მარჯვენა მხარეს; პარკირების საგზაო ნიშანი 7.4. „დგომის ადგილი“. დამატებითი ინფორმაციის დაფით 8.6.1. სავალ ნაწილზე დატანილ იქნეს 30 მეტრის მანძილზე პარალელური პარკირების ჰიპოზონი მონიშვნა;
- ი) ზ. გამსახურდიას ქუჩის დასაწყისში 9 აპრილის ქუჩის მიმართულებით გზის მარცხენა მხარეს საგზაო ნიშანი 7.4. „დგომის ადგილი“, დამატებით ინფორმაციის დაფით 8.6.1 სავალ ნაწილზე დატანილ იქნეს 50 მეტრის მანძილზე პარალელური პარკირების ჰიპოზონი მონიშვნა. ხობის მუნიციპალიტეტის მერიას ერთობლივი განცხადებით ასევე მიმართა საჯიჯაოსა და ახალი ხიბულის ადმინისტრაციული ერთეულების

მოსახლეობამ საჯიჯაო-ახალი ხიბულის დამაკავშირებელ გზაზე მძიმეწონიანი მანქანების ალტერნატიული მარშრუტით გადაადგილების შესახებ, აღნიშნული მოთხოვნის თანახმად, საჯიჯაო-ახალი ხიბულის დამაკავშირებელ გზაზე ორივე მხარეს, საჯიჯაოსა და ახალი ხიბულის ადმინისტრაციულ ერთეულებში განთავსდება საგზაო ნიშანი 3.12. ღერძზე დატვირთვის მასის შეზღუდვა. გამომსვლელის განცხადებით, წარმოდგენილი განკარგულების პროექტი მომზადებულია კანონის მოთხოვნათა შესაბამისად და კომისიას მიზანშეწონილად მიაჩნია საკრებულოს სხდომაზე მისი გატანა შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ პროექტთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი განკარგულების პროექტის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 12, წინააღმდეგი – არც ერთი

დაადგინეს: წარმოდგენილი განკარგულების პროექტი შეტანილ იქნეს საკრებულოს სხდომის დღის წესრიგში

დღის წესრიგით გათვალისწინებული საკითხების განხილვის შემდეგ ბიუროს სხდომა დახურულად გამოცხადდა.

სხდომის თავმჯდომარე

